

Zinter Klos

Text und Musik: Albert Schneider (Orthographie angepasst)¹

- 1 Zinter Klos, Zinter Klos, leeve hellige Mann,
bräng mer doch, bräng mer doch, bräng mer ne Weggemann.
Ne Weggemann met nem Piefchen un och e paar Häng voll Nöss.
Di golde Hätz de Kinder kennt, dröm bes do uns och god gesennt.
Och, leeve hellige Mann, bräng mir ne Weggemann.!
- 2 Zinter Klos, Zinte Klos, kumm met däm Hans Muff.
Bräng vun fään Himmelssähn en uns kleine Stuvv.
Mer wellen och schön bedde en hüre stell op dich.
Die Rot, die loss em Sack nor dren, mir wellen immer adig sin.
Och kumm met däm Hans Muff, bräng Sägen en uns Stuvv.
- 3 Klingeling, klingeling, tapp un tapp un tapp.
Luuster ens, luuster ens, ungen op der Trapp!
Ich hüren in ald kumme met singem schwere Tredd.
Wat hä wall vun uns sage weed, wann hä dat große Boch opschleiht?
Tapp, tapp un tapp un tapp, hä es ald op der Trapp.
- 4 Zinter Klos, hellige Mann, kumm, mer waaden all.
Dir ze Ihr singe mir fruh met hellem Schall.
Mer dun der gään verspreche, nor brav ze sin un god.
No maach och dinge Sack ens op, mer waaden ald su lang dorop!
Hür doch dä fruhe Schall un kumm, mer waaden all!

Aus: Kölsche Leeder för Schull und Huus (Greven-Verl. 1964) und Kölsche Volkstumslieder
© by Pasco-Verlag, Berg. Gladbach

Vgl.: Hoerner, Ludwig (Hrsg. - für den Verein Kölsche Klaaf e.V.) Oktober 1990. *Kölsche Mädchen, Kölsche Junge, Kölsche Tön – Kölner Liederbuch Nr. 3*. Köln: Selbstverlag.

¹ nach den Richtlinien der Rechtschreibung der Akademie für uns kölsche Sproch 2007